

度

支

奏

議

持籌無策再請認罪疏

題司官劉賜桂因差歸里勒限催還疏

初覆易州餉司交代不明疏

賦役纂修未易覆議就便責成疏

三議新舊屯政事宜疏

再覆易州餉司交代不明疏

立限事件奏報參差乞恩認罪疏

三覆易州餉司交代不明疏

四覆易州餉司交代不明疏

督倉事權原重徹臣節省招充疏

奉 旨開報軍興錢糧疏

更調雲南陝西二司官員疏

覆奏不當折 恩認罪疏

覆戶科查叅解官曾克慎梅士程趙魁光疏

度支奏議卷之十六

太子少保戶部尚書淄青畢自嚴視草

丁微恢復 辭叙賚疏

奏爲

天恩隆重

寵渥洵頒謹頌

闡控讎以安愚分事臣聞忠勤者服官之大義義不
可以私逃。爵賞者礪世之大典。典不可以濫得。
臣以謏劣待罪計曹拮据將瘖。二載于茲。一奴

孽憑陵震驚

畿輔臣恨不能執殳前驅滅此朝食惟是職在供億夙夜冰兢期無失墜以追罪戾屬以

皇威遐布虜宵光復城邑

獻俘論レ臣最不才得從閣部諸臣之後恭承

恩叙市年七月十六日准吏部咨該兵部題爲四城

一時恢復等レ奉

旨レ氛掃レ畿輔救寧在內運籌宜力諸臣允宜叙賚畢自嚴加太子太保賞銀二十兩紵絲二表

竊欽此。臣竊不勝惶悚不勝隕越。夫人臣列職。品則爲崇階。人臣蒙恩。蕃錫則爲異數。不圖介寒賤遭逢。

聖明濫竽非分。一至此也。憶昔下處薄城之時。臣下會レ變起倉卒。屈指內外。新舊主客官軍。幾以二十萬計。倉庫單虛。餽餉殷繁。朝索糗糧。暮索齋鎡。彼徵酪漿。此徵糞豆。財賄既苦。於不給頃。

其難辦嗣是。敵騎漸遠。大兵愈集。既輦水之師。復航海以給關寧之旅。接濟

維艱呼吸生變臣於此時肝膽幾碎迄今念及
魂魄猶悸乃者得微如天之福以有今日皆賴

宗社鴻慶

聖武布昭帷幄多籌三軍用命若臣捫心固自不敢
居功卽臣揣分實亦無功可言且非獨無功已
也捉襟幾於露肱既有不能先事綢繆之愆費
瘡徒然剜肉復有不能後事助勦之罪此卽倖
逃斧鑕已屬

鴻慈况復忝竊

寵榮寧堪冒昧以

國家破斧缺斨之役。藉爲邀寵增秩之梯。臣實痛之。以軍興倉皇支吾之技。得同戰勝攻取之賞。臣殊羞之。以庾藏三空四盡之時。復有倖功蔽罪之舉。臣尤懼之。况全臣協力者爲左右諸臣。代臣奔命者爲司屬諸臣。一切踉蹌竭蹶之狀。皆臣目擊痛定思痛。久思代陳猶嫌自明。今諸臣多未收錄。而微臣獨攘

天功臣入質。僉影何以自存。出對僚屬。何以視息。此

臣所以踴高踏厚萬萬不敢祇承者也伏祈
聖明俯鑒微衷收回

新命俾臣得以原官自效又或

憐臣老敝放臣歸田

天之仁也地之慈也臣不勝犬馬私願激切顛陳伏
候

裁啓、可任惶悚隕越之至

崇禎三年七月十七日具

奏本月二十日奉

旨軍興旁午轉給維艱卿一力拮据成勞可念特
茲加賚用示叙酬宜卽祗受不必遷辭工部知道
欽此

再辭恢城叙賚疏

奏爲

君恩至渥臣義難承謹再疏控辭以伸下悃事項以
虜遁功成捷叙加恩謬及微臣濫與叙賚之列
該臣具疏籲辭奏爲

天恩隆重寵渥洵頒等事續於本月二十一日准吏
部咨欽奉

聖旨軍興旁午轉給維艱卿一力拮据成勞可念特
茲加賚用示叙酬宜卽祇受不必遜辭該部知道

欽此竊念

天恩隆渥、溫綸載頒、微臣頂荷之餘、自附於古昔
人臣、頌祝萬年、對揚天休而已、何敢再有冒昧
控陳、惟是內揣方寸、外顧職掌、終有瞿然赧然
而未敢率爾以承者、臣官居民部、典在錢穀、則
軍興供億、實臣分內事也、以

朝廷之錢糧供

朝廷之軍旅、臣何勞之有、無論計兵投餉、總屬度支
本分之常、卽令殫力嘔心、何加司農職業之外

矧也年來庾臧匱訕臣雖百計講求而未能止
見豐盈軍餉缺乏臣雖多方轉輸而未能觸處
圓滿臣罪實多臣戾難追總賴

皇上至仁如天曲賜優容幸追溺職之誅敢復貪
天之力乎臣自揣無功而猥叨有功之叙賚則不敢
承方連章引咎而遽徼非望之

寵榮則尤不敢承蓋軫念牛馬錄過取節者

之鴻慈也內省僉影辭榮慕義者微臣硜
也臣雖不肖籌之熟矣除銀幣賜出

不敷再辭俟頒發至日謹叩首祇領外其如
晉階終非微臣所克濫竽伏望

皇上鑒臣一再控辭原無矯飾准臣仍以原銜供職
庶靖共之大義以明而止足之素心亦遂矣

崇禎三年七月二十一日具

奏本月二十四日奉

聖旨兵食事劇度支維艱稽功加叙成命已頒卿世
遵旨祇受不必屢陳該部知道欽此

題覆官大山西發過兵餉疏

題爲流賊益橫本實可虞仰祈

聖明勅部酌議以定內亂事崇禎三年七月初八日
戶科抄出兵部尚書梁廷棟題前事內稱准宣
大總督魏雲中咨文請移計部速賜拯救施行
等因看得三鎮放插外窺流賊內訌危急之形
已見所恃士馬飽騰尚可勦禦今缺糧動至二
十餘月各軍嗷嗷人情洶洶方憂其脫巾叫囂
而安望其荷戈殺賊乎一旦呼庚內則勾賊外

則奔虜此時供億更費百倍計部何可不深長
思也臣容行非不痛切畢竟紙上萬言不如

陛下 一語懇祈申飭星速拯濟等因本年七月初六

日奉

聖旨三鎮缺餉已屢旨查給着該部速與措發勿致
悞事責有攸歸欽此欽遵抄出到部臣等跪捧

明綸天威有赫不覺汗流浹背驚聞樞臣之代呼真
屬臣部之罪案矣惟是臣力之所能完者當年
京運之額編所不能完者秦晉民運之拖欠與

歷年京運之積逋已經臣部備將崇禎三年發
過各邊鎮春夏年例銀兩數目開塵

御覽顧邊臣預綢繆之桑土則額已盈而猶見其歎
臣部值時勢之匱乏則發及額而力已無餘除
延寧甘肅蘇密永昌易等處發過年例不敢重
復贅瀆外謹以宣大山山西三鎮之部發再一申
明之查宣府年例額該銀二十九萬九千一百
五十六兩七錢春夏二季止該發銀一十四萬
九千五百七十八兩三錢五分臣部已發過年

例并充市賞銀共一十九萬二千八百七十六兩五錢九分八釐六毫六絲大同年例額該銀四十五萬六千三百三十八兩春夏二季止該發銀二十二萬五千三百一十九兩臣部已發過年例并充市賞及扣留新餉銀共二十七萬五千四十二兩山西年例額該銀一十四萬一百六十七兩九錢四分春夏二季止該發銀七萬八千十三兩九錢七分臣部已發過年例并充市賞及裁汰扣留銀共一十三萬三千九百一十三

兩五錢四分五釐是宣大二鎮年例俱發及秋
季山西一鎮并發及冬季又山西原有題明免
發節曠銀六萬餘兩近因流寇生發現議量發
一半則臣部之爲三鎮計者亦已殫厥心力而
督臣猶存乎見少也但本年應發之京運若有
不足敢不黽勉以熬歲事如欠之累年而責臣
部償之一旦負之民運而責臣部代之灌輸是
前此不能得之於豐亨豫大之時而今顧能得
之於三空四盡之日省直不克完其任土惟正

之供而臣顧能代辦於額入有限之餉必不然矣試以崇禎元年以後之完額較之天啓七年以前之完額相提而較則多寡盈縮寓目瞭然而臣部或可追於戾矣伏望

皇上鑒臣發餉之額原臣措處之艱

勅各邊鎮督撫各催民運以佐京運之所不及有拖欠數多者照例查叅臣部從重議覆而臣部亦務竭蹶輸將以蚤完今歲之年例是則臣部所求以自逭於罪戾者也臣等可勝悚息待

命之至

崇禎三年七月二十一日具

題本月二十四日奉

聖旨據奏三鎮餉銀春夏發已踰額還着陸續接濟
仍咨該督撫嚴催民運立限勒完有拖欠遲玩的
叅來重處各鎮一體飭行欽此

覆宋兵科條陳庫弊三款疏

題爲微臣奉差敬述職掌仰祈

聖聽以裨軍務事崇禎三年七月初六日戶科抄出
該巡視太倉兵科右給事中宋鳴梧題前事內
稱該科奉有巡視之

命夙夜冰兢細諮諦審掛號需索積弊竭力厘革商
人爲之稍蘇臣部各司皆與該科共凜三尺如
一執結之重誤一恩貢之冗年一違禁求贖之
軍犯皆細心磨勘但有錯悞即時改正卽將書

役痛行懲革隨事盡職又據其見聞所經諮詢
所及者列爲三款仰乞

明綸申飭等因奉

聖旨銀庫弊端全在收放輕重掛發那移其各衙門
需索常例總係官役通同叢奸踵陋深可痛恨宋
鳴梧駁查厘革并所陳三款亦見留心着該部條
悉情弊詳明具覆以便立法永遵欽此欽遵抄出
到部該臣等看得筦庫之司

國家備用攸關自允支法行凡邊餉軍需皆令委

解二官公同收兌供役者無以上下其手大綱
爲之一清誠有如科臣所敷奏者該科既力剔
夙蠹復條列款要皆切中積弊有裨儲蓄臣等
敢不詳悉具覆一出納法守宜定也查得凡關
支銀庫錢糧臣部發印信堂劄一張備載支給
情繇及應支銀數仍令赴領員役自具領狀一
張而又令該司照依領狀一樣具印信執結一
張執結者領狀之保結也舊例如宣大代州錢
糧則山西司出執結延寧甘固錢糧則陝西司

出執結密永昌易身任權則貴州司出執結一
應商價則廣西司出執結京營米折則雲南司
出執結關宰等處新餉則新餉司出執結皆各
有司存不得悉知祇緣數孽入犯一時分派轉
運糧草及坐門等差臣部司官晝夜俱各守信
地其在衙門與臣共事者惟新餉邊餉兩司耳
且令新餉司官出新庫執結邊餉司官出太倉
銀庫執結糧將城內外兵馬幾二十萬每日支
放晝暮不停尤懼或誤軍機是以有劄與領結

齊發者亦有先發劄領而後補執結者該科所
謂軍需緊急不得不權宜者耳自今宜定畫一
仍遵舊例各司分官庶職掌明而分劇不至徧
任也伏乞

聖裁一解官賠累當恤也查得各省直解官間關跋
涉防護艱辛誠宜體恤除逗遛稽遲自干罰治
及倒槽敲珠法應重宥者無容寬假外徃徃有
司府筦庫吏胥重入輕出侵剋銀數逼使領解
以致各官賠累不堪甚至於寧弄官而不赴解

者宜如科臣議行令各該司府以後務將州縣
原銀於鏤皆用薄紙印封鏤面刊該州縣官及
銀匠姓名該司府眼同解官當面兌封釘鞘仍
將鞘內鏤數兩數備註鞘冊同公文釘封卽令
押解出城該巡視衙門掛批時逐一驗封如銀
冊不符責在解官果係原來短少查照鏤面刊
字罪坐州縣勒令補解仍從重叅糾伏乞

聖裁一銀色低假當究也查得經費款項皆需足色
銀兩至於軍餉給發尤不容少有微欠以啓撓

抵之端除江北銀色原足者無容申飭外其江南一帶凡解京邊及鹽課等銀宜如科臣議合行鹽按諸臣通行運司及各府不得如仍前滋弊攙鉛兩傾以後解到銀兩但有不足成色者臣部會同巡視科道一面將原銀駁回勒換一面仍題叅重懲司府伏乞

聖裁以上三款委係筦庫急務該科條議原自明晰臣等何能贅複惟是少加酌定仰惟

皇上統賜採擇永著爲令耳再照軍興以來倥傯雜

查里等與二三司官隕越虔惕日惟參錯是虞
所賴巡視諸臣同心振飭奉

功令而慎憲典纖毫不敢假借卽如科臣疏內所
云除芝麻費蠟書役需索等弊已經科臣痛行
懲革外所云軍犯告贖一事查有終身軍繆宗
曾引

恩詔廢疾一欵及臣部先年通行事例控告納贖該
臣等伏念遣戍重犯何敢傳會條例輒開倖免
已經駁出不准續該本犯具告前府照會到部

臣等隨與科臣再三商確例款雖載有戍贖而
奸人恐未容脫漏臣等願爲愛法不願爲祝網
也嗣聞本犯久已勒令發遣訖矣近閱邸報復
奉有以後折贖還須核罪酌行不得槩擬之

旨臣部深佩科臣之相與有成且日益加甚也總之
叢弊積玩之餘搜剔少有不到則舊蔓潛滋而
明法

勅罰之政期以確守臣士當黽勉共勗耳可任悚息
待

命之至

崇禎三年七月二十四日具

題本月二十七日奉

聖旨前旨着該部條悉情弊正指輕重那移嘗例需
索等項期一清夙蠹立法永守這止酌定敷陳三
款未盡核實厘奸之意且該司官何無案呈還遵
旨詳明具覆欽此

召對 惶束 認罪 跪

奏爲錢糧過厓

睿慮

召對倍切悚惶謹束身認罪以候

天譴以祈

慈鑒事竊念臣年力衰邁智慮短淺當此民窮財盡之時動見捉衿露肘之狀黔技易竭蚊負難勝既不能地流泉湧資士馬之飽騰又不能握筭

持籌寬

聖明之顧慮。臣職實瀕。臣罪滋深。少發則以現支爲
壓支。而九邊之疾呼如故。多發則盡入數。爲出
數。而京師之催解無存。欲清錢糧。先查兵馬。而
督撫之確報杳然。欲令月奏。或爲季奏。而各鎮
之奉行不速。蓋前車旣覆。已坐知人之不明。而
後效未臻。大彰率屬之無狀矣。至新舊二餉司
薛邦瑞。喻思慥。案牘旁午。磨筭稽遲。今俱奉
旨回話。然該司官之罪。實皆臣之罪也。臣之罪。臣愚
猶自知之。而况

聖明照臨在上平今奉

召對申飭云若日星レ側聆

天語之諄切仰服

聖慮之精詳無微不至無遠弗届臣自揣疎愚迷謬
真不覺補過之靡及措躬之無地矣謹束身認
罪伏望

皇上軫念四十年犬馬衰朽驚鈍稍寬

斧鉞之誅姑從褫斥之罰實

天覆地載之

鴻慈也。感

恩圖報矢以奕世矣臣可勝悚息股慄待

命之至

崇禎三年八月十八日具

奏本月二十一日奉

旨軍需正殷卿老成勤練還遵諭率屬稽出入酌

虛盈以佐國計不必代爲引咎。此

再議新舊屯政事宜疏

題爲遵奉

聖諭議修屯政以足兵食以裕

國計事該戶科抄出本部題前事崇禎三年七月
十五日奉

聖旨這條奏新舊二屯舊屯首清應占旣說勢不可
行若止清查起科查叅徵收在北責屯差御史省
直各邊責撫按道及餉司自可了事何必專設大
臣且非

相制養軍之意新屯招徠勸相及興水利等項俱屬
可行還查董應舉當日發帑專理何以倏興倏廢
必是處置未宜致法難經久利弊安在該部再行
確議具奏欽此欽遵抄出到部相應再行酌議具
覆該臣等看得

國初屯田之制原爲養軍而設無奈歷年久遠滄
桑變易不惟無濟於軍儲實已盡失其面目臣
等議復舊屯而首清隱占良有繇也又因前後
諸臣多欲專設大臣以重事權歷稽往牒屢經

欽道是以妄欲特設總理以課成績今蒙

皇上以兩直有屯差御史各邊各省有撫按司道不
欲復設大臣以叅操柄洵得分任責成之要

皇上聰明天授超越千古誠非臣等智慮所能窺測
萬一相應遵奉

明旨卽行罷設其首清隱占一節非欲寬豪弁之侵
隱貸巨族之兼併乃爲窮軍典賣紛紜業主屢
經更易恐展轉窮迫盡奪遺軍必至牽連告訐
滋蔓無已且軍亦多故絕流徙無可追尋者故

止議遂段清查照例起科惟求田額糧額不失
其舊而止起科之法前據科臣注始亨議照民
田起科徵以餉遼業已立限查覈矣惟是

皇上正欽修明

舊制而民田起科之議亦覺格而難行故議謂本軍
自種或軍佃軍屯仍照屯則徵糧如係民間佃
買方令加等起科總以屯田之糧還以養軍而
不敢大爲紛更使

祖制一朝蕩然者也今須不論邊方腹裏細查老冊

畝段四至坐落履畝查訪務求分明要見某衛
某所原額屯田若干今見在耕種起科者若干
照舊徵糧荒蕪者若干限以三年盡行開墾埋
沒者若干仍令陸續清理以符原額若其原非
軍地而濫冒告爭者以重法坐之其原係絕軍
而他人代佃者卽按地而追糧或按糧而僉軍
如地主不願當軍許令退出原地聽該管衛屯
官另招別軍之有餘丁者頂補輸糧一如定例
近省限十一月遠省限至明歲二月俱令查明

悉照前疏冊式依限報部以便按冊考成則清
查舊屯似無遺法矣至若新開民屯招徠勸相
及興舉水利等項臣部前疏已悉業奉

俞旨無容再議及查寺臣董應舉當日專理屯田之
事原藉

帑金以爲屯本設雜職以爲屯官不拘水田陸地
廣募開墾春給秋收仍以所給之米除抵充原
本外餘者爲息官得其一民得其二兼以比年
豐稔兼行和糴之法是以卽有成效逮後有好

民鬻地入屯因而避重就輕者又有屯官乾沒而漸成弊藪者及董應舉遷轉歸併遂議革其屯官追其屯本又議追其地價還官退其原業於是成熟堪種之地僅存六萬五千九百一十六畝有奇又止徵折色二千二百二十餘兩此當日興廢利弊之大槩正

明旨所謂處置未宜法難經久者也臣等議專設道臣於津門者蓋欲其補偏救敝修復釐正而推廣之不欲因噎而廢食耳又以淮鳳之間彌望

曠土更議另專設道臣於淮鳳董理開墾共襄
盛事乃蒙

聖明復令臣等再行確議臣等再四思維竊謂設官
所以集事而理財必資用人倘不靳添設二道
在淮鳳則稟承於南京屯院在津門則稟承於
北直屯院使之專精畢慮以收金城之略裨益
實多或以省直舊屯原有各道分管即將新屯
併委責成舉凡招徠勸相及興舉水利等事一
以委之卽匪拮据力田亦無優游養尊務期督

率郡邑時行阡陌盡將境內荒地設法墾闢勞
怨不辭功過咸任巡屯御史按完欠以省成各
道原設各道按完欠而省成郡邑是亦直捷簡
便之法總聽

聖明裁斷非臣等所敢擅定也恭候
命下臣等行文各該衙門遵奉施行

崇禎三年八月二十日具

題九月初三日奉

聖旨舊屯清查原額履畝起科貴在法行有緒新屯

廣募開墾多方勸相務期利久樂從各道擇人久
任專責考成而以巡屯總覈自易集事不必增官
以滋煩擾軍國大計慮始宜詳該部還再確酌來
行欽此

再覆銀庫弊端條列四款疏

題爲微臣奉差敬述職掌仰祈

聖聽以裨軍務事崇禎三年七月初六日戶科抄出
巡視太倉兵科右給事中宋鳴梧題前事等因
奉

聖旨銀庫弊端全在收放輕重掛發那移其各衙門
需索常例總係官役通同叢奸踵陋深可痛恨宋
鳴梧駁查釐革并所陳三款亦見留心着該部條
悉情弊詳明具覆以便立法永遵欽此欽遵抄出

到部該臣等隨按稽原疏叅查庫弊見科臣
殫厥苦心而三款誠當時急務據疏敷陳已
崇禎二年七月二十一日題覆訖復于崇禎
年七月二十七日奉

聖旨前旨着該部條悉情弊正指輕重那移常例
索等項期一清夙蠹立法永守這止酌定敷陳三
款未盡核實釐奸之意且該司官何無案呈還
旨詳明具覆欽此欽遵抄出到部該臣等捧讀

天語不勝惶悚仰見

皇上睿慮淵穆周詳而微臣謀

國深慙其短且踈矣第念

國家庫藏爲財賦之鎖鑰爲出納之樞紐臣自受
事以來因見節年掛欠頗多委官爭於不足解
官苦於無餘卽將新舊二庫法馬較勘相同有
稍重者立加挫磨計新庫每一千三百兩減去
三兩四錢太倉庫每一千兩減去一兩又通行
各藩司餉司但有法馬輕重不等卽令請發更
換另立樣銀一法每解銀到庫時用銀四錠較

準封固作爲樣銀設爲解委兌支之規盡革監
督報羨之陋凡所以優卹解官祛除庫弊者無
所不至從前掛欠便已絕跡似稍覺改觀矣茲
奉

明旨諄懇敢不訪弊察蠹期以仰副

聖明核實釐奸至意除定法守恤賠累究低假三款
臣前已具覆仰塵

聖覽不敢再有竄陳外所有釐剔奸弊可永垂法守
者謹臚列四款爲我

上陳之一出納宜平也夫衝旣設不可欺以輕重
况解委對支之法已行之一載有餘奸胥猾役
不得高下其手誠有如科臣所云大綱一清者
第恐市井虎棍結同衙蠹希圖包攬于解官未
到庫時百計巧騙以愚解官之耳目而解官未
免爲其所愚一墮包攬術中于是打點有錢會
秤有錢罄囊傾橐儘以供奸之人魚肉究之邊
鎮委役斷無不索平而領去者是出納本無不
平而暗有不得其平者多矣以後凡解委對支

時一切衙役不許入庫門銀匠庫子攢典不許
出庫門止令解委公平交兌而包攬之輩無所
施其伎倆解官卽有受愚未有不覺發而倒出
者仍不時緝訪倘有捉獲卽時叅究庶包攬盡
革而出納之原一澄矣至于零星京支必令納
者領者親自敲針務期歸于平準又誰得以筋
輕筋重之手而浚百姓之脂膏也一登報宜清
也從來錢糧混淆弊在那移自有五日一報以
來出入必記巨細必載亦無所容其那移

是執結掛發舊有定例前覆疏已娓娓言之以
後各司分出更無虞法守之不定也第邊餉之
呼庚已久外辦之難命倍急容有不及待執結
而卽發者以後除邊餉一項准陸續補掛外其
他凡有出納須俟巡視科院執結到庫方許發
給掛發報銷總準一定程限倘有紊亂立置該
役以法卽有奸胥亦無所施其神通矣又何至
甲可爲乙而新可使舊乎一需索宜禁也夫役
書之不能斷需索如蠅之附羶然旣已依爲性

命遂有見爲例而不見爲弊者矣

聖明在上百度維新豈仍令此輩終肆穢濁妨太平之景色乎以後除巡視衙門自行禁緝外凡本部各司太倉庫書役人等敢有假文移遲速出納輕重而需索常例者本官加意體訪或查出或被訐輕則責革重則叅懲小人卽無知箴不休乎

雷霆之震叠矣尤須司庫各官先澄其源行文欲敏發銀欲持人人明知無抑勒之苦而又誰聽其

需索也卽以此課本官之殿最可矣一積役實
革也夫降才匪殊誰無良心惟循役至年久而
本來心膽竟不可問則以利令智昏而積弊成
習耳太倉庫中書辦攢典俱一年一換銀匠庫
子俱半年一換已屬成例第恐法久人玩須應
再飭務令按期更換不許詭託久役違者必懲
庶供事日淺械智未熟卽在筦庫者無難控御
也至于大小店家供給飲食誠以吏典銀匠庫
子日夜鑽扇庫中非須人供給勢不能行而此

輩出入時多恐外通解官內通庫役朋比爲奸
則隄防較他人正未易耳往時亦一年一換此
後須如銀匠庫子例半年一換庶不至弊生于
所忽而以積猾店家通庫藏之線索矣以上四
款皆衙門切緊情弊凡前人之所已言者不敢
贅陳凡往日常之所汎行者不敢漫陳總期出入
不詭于衡登報不詭于期領納者獲免其措索
之苦頑猾者莫容其久窟之奸弊藪盡剔

國帑一清以仰副

皇上核實釐奸之意而已矣至奉

旨詰問該司官何無案呈原因科臣之疏以庫藏則
應屬之廣西司以錢糧則應屬之邊餉司未便
責成臣與本科司官商確屬稿具題故無案呈
從來臣部章疏亦有堂官徑自題覆者未必盡
出案呈也謹據實剖析明其始末倘蒙

聖明鑒允伏乞

勅下臣部併前疏三款一併立法永遠施行可任悚

息待

命之至

崇禎三年八月二十九日具

題九月初三日奉

聖旨衙蠹弊竇無窮豈一較勘法馬解委兌支便能
改觀總之法以懲弊弊繇人愿若司官居身廉潔
加意稽核則衙役姦詐自消堂上官勵精率屬分
別勸懲則司官奉公自奮歛民裕國情已不堪剝
民養蠹心則何忍道所列四款併前三款俱嚴加
申飭着實遵行不得僅以條議塞責其無案呈緣

踪知道了欽此

持籌無策再請認罪疏

奏爲微臣持籌無策罪戾弘多謹再疏認罪乞

恩譴責以明分義事先是本年八月二十一日該臣

奏爲錢糧過厯

睿慮

召對倍切悚惶謹束身認罪以候

天譴以祈

慈鑒事奉

聖旨軍需正殷卿老成勸練還遵諭率屬稽出入酌

虛盈以佐國計不必代爲引咎欽此該臣仰荷

函益遵卽赴

闕謝

恩入部供職間續於九月初二日該本部新餉司

郎中薛邦瑞一本遵

旨回話事奉

聖旨薛邦瑞職司新餉奉旨清核遷延不報及至具

疏錯悞叠出卽自行簡舉尚未詳盡平日所理何

事好生怠玩姑著降二級策勵管事該部知道欽

此又該本部邊餉司郎中喻思健奏爲遵

旨回話事奉

聖旨喻思健專司舊餉奉旨清查稽遲不報已屬怠
玩又收餉開註不明庫冊誤多作少錢糧何事豈
得以經手不久爲解著降二級策勵供職書役重
加懲處該部知道欽此臣聞

命悚惶措躬無地竊照臣以衰朽謏劣之才而謬膺
錢穀軍

國之任值茲邊疆多事之日常懷匱詘不繼之憂

每思夙夜黽勉將勤補拙上報

主恩下盡臣職一切錢糧出納章奏文移靡不悉心料理細加叅訂不謂蒲質漸凋蓬心日塞匝月以來無論持籌寡策仰屋徒勞抑且章奏差訛層見叠出夫

皇上之所宵旰而焦勞者惟此新舊二餉耳今

奏報出入之數則前後參差也多寡混淆也兵馬漫無確額而支銷一聽之邊疆經費僅支目前而開節不能爲遠計此雖司官失於查覈不能

奉行之罪實臣智慮昏憤精神不能周到之所
致也竊念臣以藐躬爲司屬領袖筦

國計盈縮而乃依樣畫葫仍訛襲舛弗克詳加考
正別有訐謨奉職無狀負罪何詞雖蒙

皇上憐臣衰老不加誅責祇降司官俾令改圖但臣
循省於職掌豈能卽安於方寸不覺慙媿無地
惶怖欲死除新舊二餉規則另行具奏外相應
再疏認罪恭候

皇上重譴處分儻蒙

天恩原宥不至卽膏斧鉞容巨竭蹶率屬策駑磨鈍
以庶幾仰贊

國計於萬分一也臣可任悚息待

命之至

崇禎三年九月初四日具

奏本月初八日奉

聖旨新舊二餉已有諭分任責成卿還條列規例總
持綱領務清夙弊以振新猷不必引咎旨內平日
二字錯寫且字改正行欽此

題司官劉賜桂因差歸里勒限催還疏

題爲司官因差歸里勒限催還謹奏

請定奪事案查臣於本年正月二十八日因道途驚阻外解航遲將本部山西司主事劉賜桂

題往德州濟寧一帶查催各該省直停滯餉銀去後至三月初六日本官冊報陸續催解過餉銀一百四萬四千八百餘兩到部臣方幸本官著有成勞可不辱

命不意本官思親抱病遂於中途差役投遞一呈不

候堂批徑自歸里臣於本年五月十八日捷實
糾叅薄擬罰俸五月隨奉

聖旨劉賜桂不候堂批徑自還里薄罰何足示懲着
勒限嚴催到部奏請定奪欽此欽遵臣部移咨
該省撫臣并劄本官勒限本年八月以內回部
供職如再過期另行叅處今本官已於八月二
十九日抵都次月初一日見

朝訖本官仍具呈到部內稱勞極病發便血無度
兼聞母恙病勢益危岌岌有性命之憂遂妄請

就醫之念今奉

明旨罪何所逃但粵西距

京七千餘里邸報最晚聞

命星趨昏夜冒險幸已遵限抵都懇這重懲恩沾再造等情到部該臣等叅看得山西司主事劉賜桂思親最篤患病近真催餉固稱溢額趨限亦未愆期但催餉近郊原非解銀遠塞暫出旋當

報

命而徑去豈是差規薄罰何足示懲誠有如

明旨所云者但念本官青年偉幹正堪驅策之人而
錯節盤根或收晚蓋之益且倚閭念切情似堪
原而爲法受過可開一面相應於原擬罰俸五
個月之外加罰七個月以足一年勉令自奮策
勵供職庶在

皇上下大彰使過之仁而在小臣益圖補過之効矣

崇禎三年九月初五日具 題本月初八日奉

聖旨劉賜桂因差擅歸本當重懲念催餉無誤依限
赴部姑從輕罰俸一年策勵供職欽此

初覆易州餉司交代不明疏

題爲前官交代不明謹據詳剖實仰祈

聖鑒事崇禎三年八月二十七日戶科抄出該易州

糧儲主事戴金奏前事內稱前任餉臣劉象璠
交代冊內開該實在主兵銀一萬五千八百六
十七兩八錢三分零內有預支各軍共銀一萬
二千六百九十兩八錢三分零先任歷來借支
各役銀五百七十一兩五錢五分四厘止見交
實在銀二千六百五兩四錢四分零又交代冊

內開該實在主客兵米六千六百四十一石二
斗七升八合零豆五千三百六十七石八斗二
升零草四十七萬一千二百九十二束零內有
遠年沍爛拖欠并虜燒燬米豆草實在各倉場
米二千八百九十六石四斗四升零豆四百五
十九石四斗一升草六萬八千七百八十三束
以并以用過爲實在之數更以虛無爲實在之
物等因奉

聖旨近劉象瑤與沈棨合奏節省多金經用有法正

俟核實風勵豈得額內錢糧反指虛爲實這奏內
事情着戶部堂上官面質劉象瑤從公從實具奏
不得習套調停欽此又該戶科抄出本部河南清
吏司署郎中事主事劉象瑤奏爲成案不敢輕
銷放支確有實據謹逐款剖分以祈

聖鑒以便

奏謝事內稱臣因與道臣沈際共矢捐糜不避勞
怨得節省銀除補閏餉一萬三百二十餘兩外
尚存銀三萬一百三十五兩零兌明存庫米豆

九千二百一十二石零存倉因共思此消泐
積可找舊欠即可用以修邊墻製器械業具奏
聞其新舊交代文冊開除實在自有一定之規未准
開除即爲實在本鎮相傳各場草束內滲爛四
十萬二千五百八束零係自萬曆十八年買積
以來至四十二年節經申請將各倉草夫工食
計扣六名賠補又相傳該各倉米豆內虧折拖
欠共出千七百二十八石二升零自萬曆四十
一年行各該州縣監追議扣浮圖斗級工食三

名逐年抵補又良鄉豐濟倉在廠米豆共九百二十五石零被虜燒燬因請修倉廠申報未蒙

● 題

准開銷又實在主兵銀除見交外內有出援薊鎮出修大安口等軍急支過銀一萬二千六百九十兩八錢零并先任交盤冊內歷年共借支過未盡完銀五百七十一兩零俱應註實在項下以待接管陸續銷除追補此皆不易之規等因奉聖旨劉象瑤節省多金補舊修邊豈自己經營錢糧

及有不明摠奏浥爛草束虧折米豆照舊扣抵例
不開銷及預支行糧嚴追借支俱已交明接管開
冊報部着卽查核具奏該部知道欽此欽遵抄出
到部隨該臣等仰遵

明旨卽委邊餉司郎中喻思慥貴州司郎中王默會
同新餉司郎中薛邦瑞四川司郎中李佺臺與
同郎中劉象瑤逐一面質磨勘卷冊無異回報
前來一庫銀象瑤交代冊內開該實在主兵銀
一萬五千八百六十七兩八錢三分零除現交

盤銀二千六百五兩四錢四分零外又出援餉
鎮出修大安口等軍額餉行糧自二年三四五
月起陸續支領共急及支過銀一萬二千六百
九十兩八錢零又先任交盤冊內歷年共支過
趙養惠梁景超榮世祿等五十餘名銀一千一
百二十九兩六錢零本官任內已追完五百五
十八兩一錢零尚有追扣未盡五百七十一兩
五錢零以上二項共銀一萬三千二百六十二
兩零合之現在交盤銀二千六百五兩四錢零

則主客兵銀一萬五千八百六十七兩八錢二分零爲不虛矣一米豆草象瑶交代冊內開實實在米六千六百四十一石零豆五千三百六十七石零除實在各倉場米二千八百九十六石零豆四百五十九石零外又浮圖倉王臻于天祿等六名虧折拖欠米二百二十五石零豆一百四十六石零大龍門李文玉郝宗義等欠名虧折拖欠米七百四十三石零豆二百三十五石零常盈倉劉君愛余國佐等二十七名

折拖欠米七百四十石零虧折豆一千五百七
十一石零豐濟倉毛守志胡瑄等十五名虧折
拖欠米豆共四千六十四石零自萬曆四十
二年起各倉逐年季報見在郎中黃卷查勘行
各該州縣監追官商斗級又議浮圖倉斗級工
食攤扣一名自萬曆四十八年秋季起陸續抵
補至今尚未開銷又良鄉豐濟倉在厰米豆共
九百二十五石零去年被虜燒燬卽於本年四
月內因請修倉厰申報候本官差滿

奏繳題額亦未開銷原開實在草四十七萬二千
二百九十二束零除在場草六萬八千七百八
十三束八斤外易州倉泔爛草六萬九千八百
五十八束零新城倉泔爛草一十萬九千三百
五十束零又七千四百六十八束零浮圖倉泔
爛草一十一萬七千二百五十三束馬水倉泔
爛草七萬二千八百四十二束常盈倉泔爛草
九千五百四束豐濟倉泔爛草一萬六千
百三十二束俱自萬曆十八年以來買積之數

至四十三年郎中李若訥查申浥爛接管郎中邢從言童文炳陶鴻儒俱經查勘至郎中賈可進議追草夫工食六名逐年賠補扣在餉司庫銀四百一十八兩八分一厘扣在易州庫未解銀二百三兩至今未作開銷以上三項浥爛拖欠逐年扣抵虜焚米豆原應題豁因未

奏繳俱不入開銷數前因申請修理倉廩曾於本部堂呈已言其槩則主客兵米六千六百四十一石零豆五千三百六十七石零草四十七萬

一千二百九十二束零實在之數爲不虛矣其
管主事戴金以象瑤交代冊內開載預支借支
之銀滙爛拖欠之米豆草束爲本折實在之數
而臚列入

告則以受任方新倍加謹慎而事未經手於心有所
未得耳總之各項錢糧未經開除卽爲實在此
例原不自象瑤而始而一人見在卽查開除在
戴金言其所不得而言也矧象瑤在任時節省
多金補舊修邊經用有法業奉

明綸下部臣等再三覆核件件逼真擬特疏奏
請從優叙擢於以風勵各鎮豈自己經管錢糧反有
不明之理

聖明睿照業已洞悉始末不待臣辭之贅矣至若良
鄉被虜焚毀闔邑一空豈其官糧草束乃能獨
存近蒙

皇恩軫恤新舊錢糧槩與蠲除則豐濟一倉先時漚
爛拖欠之米豆草束並今焚毀之米豆合無盡
與開除以斬葛藤其餘各倉遠年漚爛虧欠之

數仍照原扣工食七名逐年查追貯庫以備
來買補之需此亦遵照舊例無容輕議者也臣
等不敢違

明旨而習於調停亦不敢枉是非而過爲吹索從公
從實脩悉奏

關仰惟

皇上鑒察施行

崇禎三年九月十三日具

題本月十八日奉

聖旨劉象瑤交代冊覆核明確知道了錢糧不開除
卽爲實在旣係餉司定規戴金如何突奏是非不
兩立有無別情該部還查議來說良鄉被虜焚燬
米豆特准蠲除以昭朝廷軫恤至意其積年拖欠
泡爛的仍照各倉扣補不得輕議開銷反滋弊竇
欽此

賦役纂修未易覆議就便責成疏

題爲賦役期于永利纂修未易稱塞謹遵

旨覆議就便責成求裨實用事竊照各郡邑之有賦役也上關軍

國至計下關烝黎命脉典洵重已哉

皇上俞臺省部臣之請責令臣部開局纂修臣職掌攸關不敢辭勞卽題委司官分曹効力又申請科臣許世蓋臺臣劉士禎董理其事自去歲九月受事今一年矣原纂修初議亦惟是綜理戶

田額數叅酌起存規宜裁不經之費以佐軍興
汰無藝之征以惠窮簷庶幾規畫一時昭垂百
世耳不謂省直有司不能仰體

皇上裕

國綏黎之至意又不深諒臣等籌時濟用之苦心
催促數四始以原舊書冊應叅駁之後乃以裁
定抄寫者應及率屬覆閱晝夜磨勘則見丁地
編派大率混淆稅糧正雜等項摠撤猶多叅差
橫徵私派籍去無存抽扣裁削謹半未當抄寫

一番便覺變亂錯謬遂致督修各官心計徒勞
嘆書成之無期也摘款駁查動經時月卽登荅
回報終未明晰確當不得已就書裁酌僅取其
無害于民有利于

國者分註免編之餉二項其他瑣屑稍稍刪正而
臣部司官之麤技已窮矣臣亦竊慮與編書初
意未盡爲允合也八月初六日福建書成恭進
御覽奉

聖旨賦役全書重在杜黑吏橫徵蘇窮氓積困今稱

二者皆無可指革僅取原冊抽扣數千餘金是否
與編書初意相合又站銀尚無裁額藩田存俟另
議仍是未定之書且此書卽發布政司鳩梓小民
何從得見何處與貪官猾胥辯理還宜每縣將丁
田賦役通盤打筭另立簡明條款以便大書刊榜
諭衆通知如原冊未盡事宜卽行該撫按嚴督司
府等官作速清查入計時送部磨核有仍前潦草
搪塞者註定下考督修各官亦須細心商確期裨
實用以副任使勿得祇圖速成苟且了事欽此臣

三復之餘深嘆

聖慮周詳臣不勝溺職之慙也今各省直全書分委磨勘後稍稍就緒者亦有數省臣覆閱之見其與福建不甚相遠則所爲杜橫徵蘇積困者是未必無未盡事宜臣不敢冒昧再行繕寫

進呈臣仰體

明旨務爲各地方貪官猾胥直窮到底誠當行該撫嚴督司府再行查核且簡明條款大書刊榜必須錢糧分毫無差乃可諭衆通知而各省解到

偽冊錢糧多有混淆參差臣部不敢草率從事
今已移咨各省直撫按責成司府州縣親自料
理細加磨勘凡丁地編派稅糧正雜等項總撤
務須一一厘辦無庸混淆參差須使小民一見
卽如本身應納錢糧的數一切橫征私派弊蠹
斬然盡絕各勒簡明書冊逐一解部再行叅訂
其有未盡事宜俟各官入計面爲商確極其妥
當然後具題頒發有司大書刊榜諭衆通知若
然則于

國計民生或有利賴庶于纂修初意爲無負耳至
各省直驛站工料應節省銀兩近兵部議以新
增者免編以原額十裁其一買馬似可通行無
礙其有議裁冗役冗費應助邊餉者各官幾經
躊躇詎屬急公合無聽其再加詳酌如前派認
雜項新餉例照數解部權宜以救燃眉行之一
二年俟東事蕩平卽爲停止此亦

國家變通之術非強人以難從若欲以此項載之
成書覺涉繁細不便垂之永久則賦役既有簡

明規條似不必覆勒全書恐各省直一番鳩梓
所費不貲歸于無益若謂全書必不可已亦須
責成各省直撫按督率司府州縣就近採訪叅
訂庶地方利病與其中輕重損益可詳酌而期
于當蓋各省直以裁定之書解部其磨筭錢糧
多出吏書之手非有暗伏情弊則屬潦草塞責
若以其事專委責成俟後查有混淆參差情弊
容臣部指名題叅則各地方官自有不敢不慎
重其事者若臣等焦思重典恨不能立課其成

惟是天下之大郡縣之多道里有百千萬里之遙其解進書冊之舛錯者欲遍爲駁查而不能欲苟仍其弊而不敢竊恐徒耗精神徒耽歲月徒費錢糧終有不妥難著爲令未幾復有紛更臣等不能爲各省直任咎也臣又思纂脩事宜明旨務求詳盡非可旦夕竣役其臺省督理者二人差期已逾一年今應聽其息肩各修本衙門職業不便以臣部未了之局久爲羈滯且二臣止管督催今各省直裁定之冊漸次解到而簡明

冊限以入計帶進似亦無假于二臣也臣部侍郎總裁者已遷轉三人而司官之在局者亦難束手久待部務殷繁只得隨便差委俟他時某省書成解部卽以本部某司掌印官較理之或以該司一手足之力不能猝辦容臣臨期量擇一二心計精敏者佐助之則內外諸臣得以悉心料理不至有欲速不達之弊此又臣必詳必盡之極慮計不得不出此惟

聖明裁酌焉抑臣不能無異於兵部郎中周慶尹之

脩責夫臣也。慶尹前疏所稱私徵私派已徵未
解及門攤牛稅等項皆全書所不載。臣部無憑
查造者也。今疏又曰剝削抽扣而爭奪起爭民
施奪而斬揭起非徒無益而又害之必此一番
查造也。夫臣部纂修原說外解爲折衷卽裁扣
助餉亦原據諸臣之條議而猥舉以爲臣罪案。
臣則何堪慶尹自以足跡不得遍四方爲憾而
必欲借臣以抒其憤。臣不知爲何心矣。

聖明在上自有洞照。臣原不欲與慶尹辯。恐臣今日

責成撫按又有以卸擔罪臣者不得不一及之
臣可任棟息隕越之至

崇禎三年九月十五日具

題本月二十日奉

聖旨賦役耗蠹多端皆因款緒紛錯必須徹底清楚
始可永勒不刊摠奏各省直解到寫冊錢糧大率
混淆參差至若私派橫征盡去其籍抽扣裁割半
未合宜該局纂修徒摠成冊臆決何憑駁查費日
總非親履其地決難核實無訛但法以人行豈可

慮始中止還咨各該撫按嚴督州縣凡丁田編派糧稅總撤細加磨勘司府就近採訪務令弊絕欸清一目了然彙冊報部該部仍分屬掌印司官佐以有心計的逐一查核俟有成書另立簡明條例頒行如有訛舛摘出題叅驛遞節省既定應入纂修其餘裁冗派認等項權宜難久不必載入內有未盡事宜該部仍咨訪覲官嚴限勒成毋得却責自諉纂修督催各官依議別行差委欽此

三議新舊屯政事宜疏

題爲遵奉

聖諭議修屯政以足兵食以裕

國計事該戶科抄出本部題前事崇禎三年九月

初三日奉

聖旨舊屯清查原額履畝起科貴在法行有緒新屯
廣募開墾多方勸相務期利久樂從各道擇人久
任專責考成而以巡屯總覈自易集事不必增官
以滋煩擾軍國大計慮始宜詳該部還再確酌來

行欽此欽遵抄出到部相應再行詳酌具題該臣
等看得也由係美利之原闢土開軍

國之計明緒極難修舉不易故諸臣多所條議而
未得要領臣部屢陳規則而未盡指歸易曰作
事謀始書曰惟慎厥事宜

聖明再三屢注而仍着臣部詳酌總恐涉無益之空
談致成道旁之棄舍也臣思舊屯之失其故步
也一則豪強兼併而窮軍之典賣不常一則起
科濶滑而糧額之盈縮難定一則徵收無法而

虛出兌支之弊滋一則查叅太稀而積逋朋侵之習玩必如

明旨所稱清查原額履畝起科斯稱良規是以臣部前疏有清隱占之法有酌起科之法有謹徵收之法有速查叅之法而修舉舊屯之要大都盡此矣內如起科一事務在逐軍逐戶挨查窮詰俱令水落石出我疆我理較然分明然後便於催徵又查兩京各邊屯田俱收本色腹裏各省屯田多收折色去歲科臣汪始亨目覩時事孔

棘有照民田起科以充邊餉之議今欲紹明舊章以復

聖祖養軍之制則原收本色者不許徇情改折惟有民佃軍屯與止納折色者量陞科則頃據河南撫臣郝土膏清查屯地稍加稅額便已歲增銀一萬三千三百餘兩亦足窺見一斑矣錄此而推之天下十三省照此清查准此酌增當不啻十餘萬也所當

勅令各邊督撫及省直撫按并兩直屯院速爲查覈

修舉令造冊報部并自行回

奏使臣部得據以省成則舊屯之修舉可復望於今日也臣思新屯之不能闢墾也一則人拘方隅而投屨占籍之民少一則輕視本色而未耜穰襖之計踈一則勞來不勤而開墾祇成故事一則水利不興而旱澇苦無蓄洩必如

明旨所云開闢勸相利人樂從斯稱嫩政是以臣部前疏有廣招徠之議有收本色之議有勤勸相之議有興水利之議而開墾新屯之要大都盡

此矣夫天下皆有荒土而津門淮潁之間灌漑
更多耕種並舉故前議增設道臣以專責成今
蒙

皇上以各道原有舊設擇人久任自易集事不欲增
官滋擾

睿慮周詳超出臣表

王言如綸真足爲萬世法程卽當遵

旨罷設天津責令天津道淮徐責令淮徐潁州二道
各省直俱責令原設屯田道着實舉行但恐各

道狃於積習隆於體貌祇留心吏治刑名之間而於民間稼穡之務置而不講合無

勅令各道督行州縣除額設舊屯外各將境內荒田已開若干未開若干兩直悉報屯院各省悉報撫按俱令轉報本部仍照前疏所議定以十分爲率每年開墾三分期於三年盡完各道務親巡行阡陌不得以荒作熟三年之後分別上下三則起科兩直屯院并各省撫按卽以開墾之完欠定各官之殿最歲行舉刺而各道之有

屯責者更

勅銓部擇人久任勿令傳舍其官方能課厥成效若夫規爲措置勞來勸相務求通變以宜民不必膠柱而鼓瑟此在省直諸臣自有勞畫非臣部所能縷述也信能合新舊二屯而共圖之上以復

祖制而下以盡地利外以供邊儲而內以給軍興在此一舉顧力行何如耳相應覆

請恭候

命下臣部移文各該衙門遵奉施行

崇禎三年九月二十日

題十月初十日奉

聖旨屯政贍軍裕國坐收美利道臣擇人久任撫按
屯院嚴核考成已有屢旨這本申詳前疏條列既
明便依擬通行申飭內查詰軍戶徵收本折但取
詳明酌便不得苛擾違宜其經營各官開墾數多
增加稅額著有成效者准與優敘怠事生事分別
懲處務令公私兩利永遠可行該衙門知道欽此

再覆易州餉司交代不明疏

題爲前官交代不明謹據詳剖實仰祈

聖鑒事崇禎三年八月二十七日戶科抄出該易州糧儲主事戴金奏前事奉

聖旨近劉象瑤與沈榮合奏節省多金經用有法正俟核實風勵豈得額內錢糧反指虛爲實這奏內事情着戶部堂上官面質劉象瑤從公從實具奏不得習套調停欽此又該戶科抄出本部河南清吏司署郎中事主事劉象瑤奏爲成案不敢輕

銷等事奉

聖旨劉象瑤節省多金補舊修邊豈自己已經管錢糧
及有不明據奏浥爛草束虧折米豆照舊扣抵例
木開銷及預支行糧嚴追借支俱已交明接管開
冊報部着卽查核具奏該部知道欽此欽遵抄出
到部隨該臣等仰遵

明綸面質查核一一分明卽于九月十三日題覆訖
續於九月十八日奉

聖旨劉象瑤交代冊覆核明確知道了錢糧不開除

卽爲實在旣係餉司定規戴金如何突奏是非不
兩立有無別情該部還查議來說良鄉被虜焚燬
米豆特准蠲除以昭朝廷軫恤至意其積年拖欠
浥爛的仍照各倉扣補不得輕議開銷反滋弊竇
欽此欽遵抄出到部該臣等捧誦

明旨繹荅別情非還質於本官及本地方同事之官
不可因移文易州餉司並易州道細爲審察方
敢入

告隨據易州糧儲主事戴金稟稱錢糧要務原有管

收除在四條先糧儲重任毫有不明負罪匪輕
且今

聖明之朝綜核方新設令按冊核實職將何辭以對
因據實奏

請誠如覆疏所云言其所不得不言也亦且言其所
不敢不言也職與象璫誼忝同官原無私隙皆
緣

國家起見欲爲錢糧清楚以無負任使至意更何
別情之可言乎等因到部又據易州道兵備副

使沈啓稟稱餉司浥爛草豆一事在郎中劉象
瑄以未奉堂題開銷恐非成例在主事戴金以
錢糧鄭重接管務欲分明蓋餼羊存去總以共
成其愛原無他意此事誠因職掌而發兩官正
可相成劉郎中心跡旣明則戴主事之指陳於
新舊總自有益也等因到部該臣等看得宇宙
之所以不毀今古之所以常新者惟茲是非之
案較然不紊而已矣從來至是無非誠如

明旨所云是非不兩立者第易州餉司一案或確守

成例或慎明職掌其各成一是有者正有可言大抵劉象瑤節省多金約已裕

國其預支浥爛等項逐節分明例不開銷已經奉旨查明確乎無可議矣卽戴金以新任接管據實入告原不過以錢糧關係

國儲誠爲鉅務覩茲紛紜虛懸觸目驚心深懼接管不明爲循職奉公者之累故不免過爲慎誌耳跡其舉動誠有如

明旨所云突奏者而察其一段謹凜之苦衷則固委

無別情矣據其自供誼忝同官原無私隙及易
州道稟各因職掌而發原無他意等語亦儘可
窺見其肺肝也况

國家之成例不可不循有劉象瑤之斤斤守法而
衙門之典章莫紊人臣之共職不可不恪有戴
金之兢兢明法而錢糧之頭緒益清兩臣固各
成其是跡相戾而實相成矣臣等固不敢倒是
非之案而逾為徇人亦何敢枉是非之真而謬
為索垢哉如主事戴金者倘蒙

皇上憐其小心恕其狂妄此自

覆載生成之恩惟

皇上自沛之非臣等之所敢預覲者矣惟祈

皇上鑒察施行

崇禎三年十月初五日具

題本月初八日奉

聖旨戴金劉象璠是非該部曾無確議只據申文調
停兩可何以屬屬還著分別具奏欽此

立限事件奏報參差乞恩認罪疏

奏爲立限未完事件

奏報參差所

恩認罪事戶科抄出該臣部題爲奉

旨回奏事開報八月分未完前件緣繇本月初五日
奉

聖旨這未完舊件如奸商欠銅蠹餉及方大任錢士
貴所參冒支積弊前有旨着勒限嚴稽摘察示儆
如何仍混入多款循例塞責事關釐弊內外相蒙

牢不可破國用何繇充裕且近奉簡明規則何
欽遵又科臣玄默題摘奏事件一旨兩抄頭緒愈
莽殊妨省覽該司官明白奏來欽此又該臣部題
爲欽奉

上傳事關報九月分下半年立限緣繇本月初十日
奉

聖旨這立限事件知道了內浙江江西湖廣見徵文
冊以九月十七日行文限十月終報部應若干日
往返若干日查核造冊該司官明白奏來欽此

照臣愚猥以衰庸承乏度支軍興煩費常憂匱
誦一切未完事件皆係錢糧所關仰奉

明旨勒限督催臣愚惟恐奉行不力未敢時刻怠緩
惟是智識既闇昧不明思慮或掛漏難免以致
奏報參差規則舛錯臣愚何所逃罪乎

皇上寬臣斧鉞之誅而止令司官回

奏雖荷

覆載之鴻慈而臣愚則跼蹐惶悚甚矣查得王昌等
冒支一案情罪未符漏網尚多臣部已單疏奏

致前鎮積商蠹餉見行順天巡按鞠訊違限不
報臣部又另疏題催俱奉有

明旨矣欠銅各商現在提比且原限在九月終前八
月

奏繳尚在限內故不無少須時日耳以上諸事雖
有諸疏摘叅而前件終屬未完該司官過於
慎故一并臚列奏

聞非敢故爲混入也

欽頒簡明規則原在刑科疏中奉

旨而無部科字樣臣部未敢奉行誠屬拘泥太甚至

一

旨兩抄則新餉司職在措餉雲南司職在運糧各循
職掌不免重複臣實愚昧無能率屬恪遵雖有
郎中薛邦瑞吳惟誠具疏回

奏而臣終不得辭其責也乃若見徵壓徵立限太
近則又委係臣罪而與司官無與蓋各省直見
徵壓徵查取文冊雖係邊餉司郎中喻思慥承
行若度量事體之緩急裁決日月之久近則臣

堂官事也惟是錢糧之在今日頭緒淆於紛紜見壓滋其躑躅以致有徵無解前欠後補內急之若然眉而外委之若充耳幸賴立限題催之旨方借以震竦積玩督追積逋是以臣焦然思曰與其遲一日徒滋一日之溷淆孰若早一日早得一日之清楚如浙江江西湖廣各界在三千里外臣部轉發文移例從報房傳遍每日以二百里計則往返月餘可達且見徵壓徵文冊止須查明某處見徵某處帶徵藩司卷案原自瞭然

不待行查錢糧細數若各藩司急公念切畧一
查核便可報部似亦無容耽時費日爲也微臣
徵發期會之本心憂時湊餉之苦情實是如此
而不虞其戾悖大之模犯欲速之戒也一經
天語提醒始知當計道里遠近立限治道原有次第
敷政無取缺急而臣之昏憤舛謬愈難逃照臨
之下矣總之臣憂

國有心濟時無策丁中外殫竭之際值

聖明振刷之時循例考成則病過弛刻期報竣又嫌

過急業已率屬董計則司官之罪皆臣之罪也
况未及破之錮習與夫乎自定之期限將復誰
諉謹據實回

奏請罪伏祈

皇上特賜譴斥以爲奉職無狀者之戒而未敢希
恩於格外也臣自嚴可任悚慄待

命之至

崇禎三年十月十四日具

奏本月十七日奉

聖旨卿計務殷煩司屬錯謬不及詳核朕自鑒悉不
必代爲引咎該部知道欽此

三覆易州餉司交代不明疏

題爲前官交代不明謹據詳剖實仰祈

聖鑒事崇禎三年八月二十七日戶科抄出該易州糧儲主事戴金奏前事奉

聖旨近劉象瑤與沈際合奏節省多金經用有法正俟核實風勵豈得額內錢糧反指虛爲實這奏內事情着戶部堂上官面質劉象瑤從公從實具奏不得習套調停欽此又該戶科抄出本部河南清吏司署郎中事主事劉象瑤奏爲成案不敢輕

銷等事奉

聖旨劉象璠節省多金補舊修邊豈自己經營錢糧
反有不明據奏浥爛草束虧折米豆照舊扣抵例
不開銷及預支行糧嚴追借支俱已交明接管開
冊報部着卽查核具奏該部知道欽此欽遵抄出
到部隨該臣等于九月十三日查明題覆訖復
於九月十八日奉

聖旨劉象璠交代冊覆核明確知道了錢糧不開除
卽爲實在旣係餉司定規戴金如何突奏是非不

兩立有無別情該部還查議來說良鄉被虜焚燬
米豆特准蠲除以昭朝廷軫恤至意其積年拖欠
泥爛的仍照各倉扣補不得輕議開銷反滋弊竇
欽此欽遵抄出到部該臣等捧讀

明旨審查回呈於十月初五日續題覆訖復於本月
初八日奉

聖旨戴金劉象瑤是非該部曾無確議只據申文調
停兩可何以屬屬還著分別具奏欽此欽遵抄出
到部該臣等莊誦

綸音不勝惶悚仰見

大聖人磨勵一世優超千古非臣下聞汶所易爲企
及者臣等前擬易鎮餉司一案見得兩臣事有
異同而心無鈍駁劉象瑤守法甚核固無所容
訾議之端而戴金明法最蚤亦非別有曖昧之
念豈宜偏所屈抑俾異日新任交代者藉爲緘
默地耶臣因而兩是之然一事之中低昂未判
于風勵司屬之意尚未昭然煌煌

語固直徹其微矣臣等再四揆度反覆審酌看得

劉象璠經用有法節省多金誠有如

明旨所云風勵各鎮酌便做行者光預支浥爛等項
逐節查明已經具題無容再議至于戴金以兢
業之心爲查核之舉跡其衷腸原自無他唯是
以筮仕之見解覩冊籍之參殊曲折多端心手
未得以故虜焚草豆軍借餉銀其餘待開銷者
固臚列言之而遠年浥爛拖欠所應相傳遞追
例不敢開銷者亦不斬其哢哢鳴也則戴金之
慎愆而過焉者也第憐其謹凜初衷原不過以

聖明在御錙銖升斗無處可容玩忽卽有輕

瀆亦止慮其累已而非欲以害人似宜罰俸三月聊以薄懲輕率而仍留其謹慎無他之心與各司屬共見庶勸一象璫固可開各鎮節省之風而不重處一戴金尚無折新任敢言之氣其於磨勵司屬裨益錢穀匪渺小矣倘蒙

聖明俯允乞

下臣部遵奉施行

崇禎三年十月十九日具

題本月二十八日奉

聖旨餉司前後接管如錢糧例不開銷交代便當明
言所以有旨著查有無別情該部如何一味調停
漫無可否還着核議明確具奏欽此

又覆易州糧儲交代不明疏

題爲前官交代不明謹據詳剖實仰祈

聖鑒事照得臣部易州糧儲交代不明一案臣等已
屢經酌議據實控陳第以功罪未覈未能仰符

聖意復於崇禎三年十月二十八日奉

聖旨餉司前後接管如錢糧例不開銷交代便當明
言所以有旨著查有無別情該部如何一味調停
漫無可否還着核議明確具奏欽此欽遵抄出到
部該臣等莊誦

給音不勝驚慄仰見

聖明在銜賞欲配勞罰欲蔽辜俾是非較然大明而
大小臣工咸自勸自威於無私之世臣等敢不
殫慮詳查尙敢冒調停之迹以致仰煩

睿慮隨移諭主事戴金郎中劉象瑤各造細冊并卷
案送部以憑再加嚴覈去後茲據劉象瑤冊揭
以本月初七日到部戴金冊卷以本月初八日
到部臣等正擬逐件研察分別可否據實題覆
適於初十日又從

內閣欽奉

上傳劉象瑤戴金交代不明有旨再查如何不見回
奏卿等卽傳該部知道欽此欽遵傳奉到部該臣
等看得錢根當交代之際銷筭不可以不清臣
子當抗疏之時款項亦不可以不確據劉象瑤
冊報如舊日借支銀五百七十一兩零及浮圖
等倉場虧欠米豆泔爛草束皆接年傳來徐侯
追補例不開銷者是矣而援薊鎮修大安口之
標騎選鋒等管及紫荆馬水等關軍士共急支

過額餉行糧銀一萬二千六百九十兩零只緣
各軍在外道號未齊而斤斤循例不卽開除仍
作實在此則拘掣之過也再如良鄉豐濟倉被
虜焚燬米豆共九百二十五石零既經虜患付
之一燼伊時卽宜申請銷除乃猶拘拘于請修
倉廩內始具文附報且不請代題此又疎濶之
過也此戴金之不能已于無言也至戴金冊內
開造預支各軍銀一萬二千六百九十兩零及
豐濟倉之虜焚米豆不應開入實在是矣而先

任歷來借支各役銀五百七十一兩零固明明
非象瑤任內事也而亦指爲口實獨不思象瑤
任內曾追完五百五十八兩詎不可做而行乎
此則粗畧之過也以至各倉場虧欠米豆泥爛
草束皆係遠年遞傳既有載籍之可據况議工
食扣抵又有規例之相沿卽從容討究儘可申
明而遽嘵嘵置辯此又輕率之過也彼劉象瑤
又安肯以歷年遞接之舊管任爲一身獨肩之
註誤而嘿嘿已耶總之兩臣交代時原係各執

已見據其規畫固皆持之有故而臣報冊中實未嘗有別情就所供吐亦均失之無心矧劉象瑤節省多金功在軍儲若以些須掛漏而重繩之則爲善者懼矣戴金發硯伊始恪遵

功令若以懼累簡舉而深求之則奉法者又懼矣合無將劉象瑤戴金各罰俸三個月以簿示懲前毖後之意庶官常之是非弗淆而

朝廷之賞罰不紊矣此皆臣等欽承

明綸虛公查覈實見其可否如此固未便輕爲軒輊

又何敢曲爲調停徇司屬而負

聖明也至於統惟

皇上垂眷施行

崇禎三年十一月十三日具

題本月十七日奉

聖旨劉象瑤交盤數內卽有例不開銷的何不說明
念其廉勤任事偶誤可原戴金遽爾訐奏不無輕
率然關係錢糧不厭研核俱免罰治該部知道欽
此

督倉事權原重徵臣節省招尤疏

奏爲督倉事權原重徵臣節省招尤懇乞

聖明歸併專理以免紛爭以速運務事崇禎三年十一月十七日戶科抄出總督倉場戶部尚書錢春題爲舊漕名竣而實不竣新漕外急而內不急據實奏

聞伏乞

聖明勅部收拾料理并議分別輕賫抵銷借銷等銀毋濶入節省克餉以損京儲且申明職掌事奉

聖旨據奏舊糧尚未入厥急需抗失腳價新糧轉難
待運預脩口袋剝船說得是至云輕費銀兩原可
節省及抵銷借銷歲損漕額該部主計督倉事屬
一體著將疏內事宜互商確酌合疏回奏毋得彼
此推執倉場職專運務以後著每歲巡通督僉仍
照巡倉規例舉劾考成卿加意料理勿避事權致
誤漕糧大計該衙門知道欽此抄出到部竊念督
臣錢春欲竣舊漕而急新漕是

國之忠也舊漕需抗失腳價新漕需修船製袋是

見事之明也如臣疎拙遠拜下風然積貯大賦
漕輓重務

聖明宵旰在念臣愚時刻驚心實亦未敢以爲可緩
向忽之事也迺督臣所爲缺望於臣而不勝責
備者則有繇焉查得輕賚銀兩每歲該四十萬
向多逋欠其解到者貯通濟庫俱通糧廳爲政
舊例支放頗多夤緣冒濫之弊事緩則以修船
製袋而預支事急又以脚價不敷而挾制於是
歷年以來透支至二十五萬餘兩年歲漸遠則

以家道消乏人亡事故借口徑請蠲豁臣實痛
心於此所爲具疏申飭者屢矣今歲

皇上留神漕務注意輕賚督責總漕巡漕諸臣舊通
新徵共完七十餘萬又採科臣解學龍之議撤
通所貯改入太倉本年二月內該戶科題奉

聖旨這輕賚銀兩係漕運急需以後仍著該衙門備
造冊數送科查覈不許將此項銀任意開銷務詳
核扣抵贏餘解倉充餉該科從今爲始再有疎徇
重處不饒該部知道欽此續於九月內該臣部題

報輕賚漕折完欠用存確數緣係續奉

旨這輕賚漕折完欠用存數目知道了未完的行
總漕及各撫按勒限催解兩部亦當體念國計空
虛民生困憊務節省贏餘以圖可繼毋得隨到隨
發有同漏卮欽此臣祇奉

天語常如雷霆鈇鉞之在前念茲念茲未嘗頃刻敢
寘於懷也一切修船脚價等項有勢不容已者
臣固不敢恡吝以悞運有事可姑緩者臣又何
敢依阿而曲徇每遇支放臣部移咨督臣又移

會科臣仍令該司具執結赴科掛號稍有不
明則科臣得而駁正之臣未嘗不刻畫斟酌至
再三其難其慎也督臣疏中所載與臣徃復筆
札欲裁員濫以圖節省委係實情臣不敢諱然
自正月以至今日業已發輕費二十六萬有奇
矣亦何嘗刻忍不予乎但就中汰除冗濫之事
則誠有之如大通橋車戶舊例西倉每石二分
七釐東倉每石二分一釐天啟六年每石各增
一釐原非定例後遂沿襲視爲應得之物除天

啟六七兩年已支領完結外臣將崇禎元年二
年徹底清筭通共運過京糧漕米二百八十五
萬三千三百九十石每石扣除一釐共節省銀
二千八百五十三兩三錢零而摘發積蓄丁明
欲通同冒支之一萬二千餘兩不與焉京倉諸
役應領完糧腳價今春凍糧入倉擇乾潔者不
俟晒揚卽支軍糧遂節省腳價銀二千二百七
十六兩零又旗甲俱因虜倣回籍而欺家仍爲
代領房水臣議扣除不發又通倉向係壓支猶

有干請之費今隨取隨與其應支於通而補支於京者臣議加一扣除後不爲例其除減銀六千五百五十餘兩而通倉尚未經銷筭也蓋經紀船戶車戶倉役脚價俱有一定則例其修船製袋俱在脚價之中曩者徃徃分而言之不免墮其雲霧中是以當年不免透支而從前長支及應扣之銀俱置之無可奈何矣此臣所爲廩廩也督臣所云舊漕名竣而實未竣者爲京倉諸役脚價言耳查在京六倉今歲惟海運舊太

二倉最多臣詢員外筮繼良宋應軫俱謂晒場
入厥已踰九分五六釐之外且暮告竣矣所請
腳價查七月內發銀五千餘兩十月內先發銀
三千二百四十餘兩又發銀三千兩卽督臣疏
中所云戶科駁查者也然前一宗係舊價已領
去矣後一宗係新價各役嫌少不支臣於十一
月內復發銀三千兩矣銀已發而不領務求多
索果是無抗夫腳價否也此輩嗜利無厭朝夕
於督臣之側紛紛啾啾惟以得速入手爲快故

臣不免以此買戾耳查昔年銀在通庫外解
寥此輩何常不壓欠亦夷然安之今見庫中
有贏餘遂不能自禁制願安可盡徇也剝船
事尤新漕喫緊要務原經虜燬在通廳河剝
百五十四隻白糶九十隻空運泓船一百四隻
俱已補造通完惟務關剝船例於淮廠打造今
春亦在務關補造百隻其餘令江廣各造七十
隻淮廠造一百八隻屢經移文行催近又題

借

明旨督催務令春月隨運舟至矣督臣謀之於臣
令承行吏胥行文亟催似亦未爲失計又何煩
描畫也舊用剝船誠當修脩因憶督臣前從通
州回京臣請而詢之深以剝船太少爲言且曰
修者未必修造者未必造也臣疑俱入積猾之
手因與督臣謀欲俟運完凍阻差官點驗估計
而後加修脩焉圖之此其時矣不慮督臣之輒
有督過也臣與督臣共事計曹踰年矣涼德不
足以信友闇識不足以當機是臣之罪也蓋督

臣爲漕運籌遲速在臣部實有均責而臣愚以
輕賚籌省費在督臣未免岐視明於局內而勿
於局外人情大抵然也先是督臣赴通欲攜脚
價以行臣卽發五千兩及後支銷已盡遣文選
請臣又解萬金往迄今通廳猶無支銷清數到
部卽督臣亦未嘗一咨會也臣念輕賚一項不
知費

皇上多少神慮而後稍稍解到臣深念透支之弊
欲銷筭清楚而後再支於以遵奉

明旨惟漏卮是懼耳豈意以此逢督臣之怒哉運道完糧簞篋等銀內簞銀每石一分已經巡漕題明免給矣其羨餘等銀用抵掛欠故有抵銷掛銷之說今太倉京邊與輕賚漕折分三項未嘗絲毫泚用比者題借以濟新餉之匱亦奉

明旨而後從事及查昔年除通廳支腳價外餘俱充舊餉之需臣尚未敢援例以請何嘗與節省銀俱溷入充餉之數哉督臣亦過慮矣惟是轉漕總倉係督臣專職舊時輕賚在通猶衆爲政也

今入太倉臣司筦鑰未免一柄兩持之慮况
臣賢者其爲

國惜財當更倍於臣不如卽請

明旨以後支放輕費俱聽督臣主特戶科掛號臣愚
不必與聞又各倉舊例公移俱通呈戶部督部
近日詳臣部者臣每竭其區區之愚以仰副

聖明責成意指而督臣以爲京通各司俱先詳前部
在督部特依樣葫蘆耳又如舊例漕糧五日報
疏俱督倉巡倉事今歲槩責臣部未免侵官

狙之嫌此又臣一重罪案也今後諸如此類悉
當改正一如舊例而臣庶可逭於戾矣若白糧
一事其過壩者止十九萬五千餘石視之成額
實少一萬餘石臣部職在會計不敢不據實入
告然卽繼以包內或有附餘等語亦謂河干已盡運
事已完時出倉卒不及與督臣會稿而督臣謂
臣有心異同奉

旨回奏無端苛責臣亦惟怕然受之而已臣雖不肖
頗知協恭和衷之誼不敢與督臣爭執然而樽

康文奏議
卷之四
節勿欺一念不得不暴白於

皇上之前除遵奉

明旨互商確酌另行合疏回

奏外合先具疏以明顛末伏祈

聖明電照重督臣之事權免臣部之掣肘則
國計可襄而紛爭可杜矣臣可任皇懷特
命之至

崇禎三年十一月二十一日具

題本月二十四日奉

聖旨部臣倉臣職任國儲正當同心共辦卿加意樽
節朕所鑒悉前錢春循職條議念總爲公着卽遵
旨商酌合奏以期濟事不必徒務剖陳該部知道
欽此

奉旨開報軍興錢糧疏

題爲奉

旨開報軍興錢糧事。○查崇禎三年正月初七日該
本部題前事正月初九日奉

聖旨支放餉銀數知道了其間頭緒甚多卿還悉心
磨對勿令重複詭具軍興正繁費用不敷着悉預
計具奏該部知道欽此欽遵抄出到部除軍興未
敷餉銀已經另疏預計具奏外查得軍興錢糧
原因逆奴發難近郊多變出倉卒費屬無經

凡登埤而守列營而居者靡不仰給臣部以爲
供億以故在本色則有給米豆芻束者有給熟
食烘炒者在折色則有給官廩行糧月糧等銀
者有給米豆草束折銀者有給薑椒煤炭銀者
儲糗不敷繼以召買飛輓無術假以運價其間
頭積不啻絲紛誠有如

明旨所云者然臣當應接不遑手口交瘁之日已蚤
慮有重複詭冒之弊于是轉給者則屬之各門
司官自領者則隸之各管委官稽兵數則據樞

部之開報覈給發則取各官之實收其間通融
本折衡量多寡酌豆價之貴賤而一秉時估參
運價之盈詘而一規里道皆臣殫心悉慮握筭
持籌惟懼萬一重負有負

聖明委任至意茲既承還悉心磨對之

旨敢不倍爲謹凜兼以日積月累自客歲十一月起
至今歲十月終止已匝歲矣臣又行令各監
督官細造清冊前來恐內有差訛復駁回研
磨再四送部臣乃復加查覈照前款項分查互

數俾紛紜頭緒爲之一清且前此止報折色
則併及本色前此止美至崇禎二年十二月終
止今則美至崇禎三年十月終止前此止及城
守今則併及薊門臣於此而追想臣部之苦真
有筆舌不能罄者矣夫志

都城固已鞠躬盡瘁心血盡嘔迫于既退之後妄
意字宿清明邊鄙寧謐動

王之旅可撤額外之餉可減而臣部亦有息肩之期
也不謂蹂躪之餘藩籬盡毀於是興修繕之役

增新募之兵而四方之入衛者且日增月盛索
行糧索安家索月餉殆無虛日臣與司屬朝夕
措處左支右吾幸無隕越然已智盡能索瓶罄
壘耻矣今在新餉庫則放過銀一百九十九萬
六千二百九十四兩五錢八分八釐三絲放過
銅錢五百四十五萬八千三百三十文在太倉
舊庫則放過銀六十一萬六千九百一十二兩
二錢六分一釐四毫七絲八忽放過銅錢一百
三十二萬五千九百八十八文在本部廊庫則

放過銀一萬四千九百八十五兩二錢九分三

釐放過銅錢一千六百三十五萬九千九百九十一

文在京各倉如舊太南新濟陽海運新太北新

大軍西新祿米等倉共運放過城守援兵口糧

行糧米一十七萬三千九百二十二石五斗一

升八合運放過城守援兵馬匹料豆二萬二千

四百六十四石七斗六升二合五勺又京糧廳

雲南司新餉司邊餉司崇文門共買運過城守

援兵馬匹料豆高糧三萬一千六百二十八石

一斗九升在明智臺基北新安仁西城五場運
放過城守援兵馬草共一百四十七萬五千三
百五十一束十觔蓋軍興一日未已則有一日
之供給而錢糧一欸未銷卽有一欸之清筭未
能點金而量沙祇有量入以爲出誠不得不徹
底通查一併奏

聞以新

聖裁者也

欽定三年十一月二十八日具

題十二月初三日奉

聖旨餉冊既經磨對知道了軍典未已轉餉維艱卿等職司國計還衡量出入搜剔姦欺及嚴餉屬官各秉公兼任事以稱委任幹濟之意旨內複字錯寫改正行欽此

更調雲南陝西二司官員疏

題爲更調司屬官員以全器使以襄部務事竊照
國家之集事也以人而其使人也以器臣部典在
錢穀總理會計如十三司官其受事一也而繁
簡頓異其供職亦一也而才譎各別匪惟賢者
與不肖者殊途卽同此服官呈能矣而局量固
自有分長短亦不相掩善調之則造而膠用之
則舛總之爲官擇人不爲人擇官度量材授官
而庶績自熙也臣每承

皇上輝精率屬之

旨不勝悚惕務期謀職集事以圖報稱近有雲南司
陝西司二司掌印官誠有可就近更調者臣請
爲

皇上陳之夫雲南司職掌漕務錢糧浩大文移絲棼
吏弊蝟集須得精明敏練之官始能勝任而愉
快焉陝西司職掌省課兼管在京官員俸糧曹
務稀簡但得廉靜寡欲之官亦可坐鎮而有餘
矣迺今筦雲南司印務者郎中吳惟誠也其品

最清塵滓無染其性最勤夙夜在公然案牘政
多濡滯弊竇未見發摘卽費本官幾許竭蹶
臣心猶虞其叢脞也若筦陝西司印務者郎中
林一柱也朗識宏才精心強幹先爲雲南司員
外郎署事旬日井井有條政可綜漕政之紛紜
核章奏之題覆而僅循資序升陝西司間曹不
幾令懷音者韜晦無以自見耶而

國家又何以收才臣之効也倘就臣部一更調之
林一柱固可藉雲南司而攄其四應之風猷吳

惟誠亦可藉陝西司而竟其醇潔之雅志各盡其力而就列俾隨分以盡職自可無鰥官溺職之憂矣說者或謂煩簡相形優劣易判願臣非厭薄吳惟誠也假令本官果屬不肖臣何憚於鷹鷂之擊迺其清勤自矢實亦未可棄置故直以寓轉移而非以分去取臣冒昧區別止從

國家起見諒一司臣亦無不體臣相成之雅意也

冀惟

聖明俯允前議

勅下吏部將吳惟誠改調陝西司林一桂改調雲南
司各管事庶人與官兩得而繁與簡雙宜在

皇上昭噐使之仁在臣部亦獲分猷之益矣猶有說
焉臣部雲南司一官年來政務煩劇允與新舊
二餉司等舊例專用甲科近來間及乙榜懼非
所以重持籌而孚物望也此後宜著爲令務擇
甲科之歷練者任之其所裨漕政者非淺鮮也
仰祈

聖明裁督施行臣可任悚息待

命之至

崇禎三年十二月初九日具

題本月十五日奉

聖旨道更調司官具見卿留心計務併雲南司擇用
歷練甲科俱依擬但乙榜亦自有才核實課功不
必盡拘資格該部知道欽此

覆奏不當祈懇認罪疏

奏爲覆奏不當祈

恩認罪事崇禎三年十二月十三日戶科抄出該臣部題爲薦舉押運官員以飭漕政事內覆總漕李待問原疏緣繇奉

聖旨這押運各官原以漕臣薦舉下部正當分別覈覆如何竟無確議仍用相應薦叙及薦錄薦揚三款空言漫應豈成覆奏之體着該司官回將話來欽此臣捧讀之餘惶懼無地如墜冰谷所幸

聖明夫覆不卽加譴令司官回話顧具稿雖在司官
而斟酌實在鈔臣中問題覆不當實徵臣之罪
而不敢盡委卸於司官者也竊照今歲漕運仰
賴

聖明振刷挽遲爲速然中間開兌抵通實亦多有未
盡符合議單者臣部先是議覆總漕巡漕諸疏
其於運總運弁等官有叅劾而無褒嘉其於糧
道有司等官始雖照例題覆嗣奉

旨下部責令查核詳確議定具奏臣部見在查議未

敢率陳其今覆總漕李待問二疏其薦舉各官如漕儲道之奉

旨紀錄者如各監兌之督輓無過者如淮揚一帶戶工二部司屬及府佐州縣曾催僨漕船者漕運衙門中軍等官爲漕運宣力者臣與司官妄意以爲開兌邊遠各有司存而沿途催僨實賴群力旣不便吹索苛求又不敢塵閣前件此臣部所以冒昧題覆仍如漕臣薦舉之議者也惟是各省直糧道有司等官尙無成議前項各官事

同一體未能分別輒有獎飾此臣一時謬誤
循舊例題覆大類骹法以徇人不能持法以勵
世而臣之罪無所逃矣除臣再行細加覈確諸
臣有無遲悞另疏奏

聞外臣謹席薰待斥以爲覆奏不當之戒伏惟
聖明垂鑒宥施行

崇禎三年十二月十七日具

題本月二十日奉

聖旨卿計務殷煩覆疏偶失詳確不必引咎漕運關

係甚重飭舊圖新正備嚴核分別用昭勸懲勿徇
司呈漫援爲例欽此

覆復戶科查叅解官曾克慎梅士程趙魁光疏
題爲錢糧緊關急用解官解役恣意侵牟謹據實
直叅以追脫漏以做玩忽事崇禎三年十二月
十二日奉本部送戶科抄出專管查覈餉務戶
科給事中許世蓋題前事等因本年十二月初
十日奉

聖旨錢糧解納劄庫卽宜明收短少卽宜追補豈有
封貯經年掛欠千金聽其私逃擅回之理顯是姦
解猾胥通同作弊該司容徇先後互蒙深可痛恨

奏內趙魁光曾克慎着該部速行山東浙江撫按

嚴拏追比勒限究解併梅士程帶補是否止有此
數該司府縣僉解不擇已解不查是何情繇係何
職名一一詳明具奏其經管司官承行吏役該部
卽嚴覈議處來說欽此欽遵抄出到部該臣一面
劄該庫行查一面咨行浙江山東布政司查催

去後隨據新餉銀庫主事陳觀陽呈稱外解錢
糧交納未完則職庫不出實收部院不准銷號
掣批不容回籍如拖欠私回者職庫具呈奉部

移會餉院餉司行文地方追比此從來舊例也
况庫中嚴禁包攬不設保歇追比無權相沿久
矣案查崇禎二年十二月初五日職到任以後
嘔心而奉

功令任內經管錢糧未嘗掛欠分毫所有曾克慎
趙魁光二項掛欠係職未任以前之事呈移具
有始末可覆案也如天啟七年浙江寧海縣縣
丞曾克慎掛欠銀一千一百六十六兩乃前任
郎中王楫任內經管崇禎二年二月內本部已

經題叅奉有

欽依着撫按追解今三年七月初六日本省杭州右
衛經歷梅士程帶解曾克慎掛欠銀止交二百
六十兩職見掛欠數多補解數少恐添葛藤未
便開銷士程稟稱隨後補解因暫令兌明寄庫
勒限全完方准登收不料士程私自回任隨于
九十一等月初十等日具爲掛欠銀兩事呈堂
批司行催又于十一月十三日具爲寄庫銀兩
等事移會督餉沈御史提催職于梅士程蓋毫

未有容徇矣又如崇禎三年十月間山東商河縣差役趙魁光寄庫未收銀係原任今故主事王國祚經管職于本年十二月初十日具爲申明交代銀兩等事呈堂批司行山東撫按嚴拏去後又于三年四九十等月十五等日具爲餉銀不便久貯等事三次移會督餉沈御史提催院卷可証又十月十一月呈奉堂批山東司主事劉寰公同驗收趙魁光銀并收梅士程貯庫銀俱登報

御覽合前二項隨又于十一月十三日移會督覈戶
料許給事中其具題糾劾卽據該職之移文也
今蒙本部奉

旨下查切思掛欠原屬相承呈移匝于一歲底案歷
歷具在職罪難免職情尚可原也及查經承吏
役郝華春傳可濟等俱先役滿出庫見在吏役
秦繼臬其承行該職任內除兩項遵收外別無
掛欠分毫且鎮日扃閉庫中不與領解員役交
接伏乞台臺詳酌具覆等情又據浙江布政使

司董承詔咨呈曾克慎前銀已完交付梅士程帶解延久未獲批銷屢經行追在案第士程私回未久緣本司啟行入

覲之時提究未到今仰楊

明旨設處那湊代完前銀以結前局仍請部檄移行撫按嚴提追補等因又據山東左布政使陳應元咨呈內開趙魁光銀兩係南河縣知縣蔣行健批差起解司府據以轉文不意本役延久未交且掛欠銀四百三兩三分屢行該縣嚴催尚

未補解恐違嚴限今據該府申稱令商河縣主簿梁起鳳于本月二十五日如數交納等因俱

各到部除劄新餉庫照數查收外該臣等看得錢糧雖問經管而掛欠必核原情如聽其短少不行知會提叅則司官無所逃于容徇之罪若奸狡百出侵匿脫逃此其罪在領解員役雖僉解者且無從預料其不終而何論于臣部之司官也如浙江解銀曾克慎既欠于前業經臣部之題叅奉有

着撫按追解而梅士程仍欠于後復屢科區之
入

官而再奉

敕旨必待藩司今日之補解而始完則梅士程除追
補外其罪仍不在曾克慎之下者也又如山東
商河縣解役趙魁光何物奸徒預侵原解米折
銀兩輒假寄庫朦朧脫逃臣部與督餉御史屢
據司呈移會提催至今尚屬漏網雖臣已責令
司府那解而魁光之罪自不容誅矣至於從前

僉解不得其人查比經年未結似當有任其責者但據該藩司申文拖欠各有原委承追亦非一人在梅士程尚未回任無憑追比在趙魁光原繇該縣差解及提追亦該縣遲延則知縣蔣行健無所辭罪者也今司府各官入

覲在京一奉

明旨俱切驚駭各照數補解曾不逾旬日之內其情亦可原矣而管庫司官向來遵臣約束禁革包攬未有保歇其于外解員役從無追比之權止

有呈移之責前任郎中王楫雖曾克慎掛欠係其經手然已具呈臣部既經題叅法難苛論前任今故主事王國祚雖趙魁光任內脫逃而本官既經物故罰無可施見任主事陳觀陽于前兩案具呈臣部者五次移會餉院者四次卽今科臣之糾叅亦據本官移會之原文也矧查軍興以來支放頗極清楚任內錢糧別無掛欠止此一項求爲前官結局實無容徇情弊臣不敢諫爲曲護也至於前後經管吏役郝華春秦繼

皇朝政典 卷之二
自等或役滿出庫在先或承行原無掛漏似難
深求再照錢糧奉罰成規未完者任俸督催完
者照例開復今二項已完則司府各官均應免
議而臣部司官或亦可並邀

皇上法外之仁者也獨是解官解役錢糧到手侵牟
滋弊非加重懲何以儆後如趙魁光律以監守
自盜卽首喙無詞曾克慎梅士程有覲衣冠詎
不自愛或解銀數多不無運脚添賠之累窮而
思遁亦未可與魁光同科然皆各有應得罪名

法難輕貸者也至於商河縣知縣蔣行健差解
不當提追久稽相應罰俸一年以垂鑒戒伏惟
聖明裁察施行

崇禎三年十二月二十九日具

題崇禎四年正月初五日奉

聖旨這趙魁光曾克慎掛欠銀兩雖藩司照數措補
然措解若不重懲何以儆後曾克慎梅士程着革
了職併趙魁光行該撫按嚴提追比擬罪具奏蔣
行健罰俸一年王楫陳觀陽據稱曾具呈移會王

國祚已經物故姑免究郝華春等經承隱縱豈得
以役滿出庫未減還着查明懲處該衙門知道欽
此